



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Linda Mariana, Sive De B. Virgine Lindensi**

**Clagius, Thomas**

**Coloniae Vbiorvm, 1659**

XIV. Cum restaurata Linda Mariana, restaurata, imò magis, etjam aucta in  
Deiparam religio; non sine haereticorum contabescentium invidia,  
haereseonque ad ruinam inclinatione.

**urn:nbn:de:hbz:466:1-11544**

## CAPUT XIV.

Cum restaurata Linda Mariana, restaurata, imò magis etjam aucta in Deiparam religio; non sine hæreticorum contabescantium invidia, hæreseonque ad ruinam inclinatione.

**N**Unquam equidem, etjam cum exciso extinctoque Lindensi sacello, extingui aut excindi potuit mortalium ad B. V. Lindensem pietas atque religio, uti aliàs docuimus: veruntamen, uti

*Segnius irritant animum demissa per aures,*

*Quàm, quæ sunt oculis subjecta fidelibus;*

ita, cum non animus duntaxat, verùm & oculi, & aures, sua habent ad pietatem quasi irritamenta, tantò facilius exardescit ille pietatis in animis mortalium igniculus, quantò pluribus vel excitatur, vel etjam nutritur fomentis. Tametsi igitur magnus semper fuerit hominum ad B. V. Lindensem undique accursus, etjam dum sacellum excisum, locusque profusum desertus esset; tamen ubi postliminio restauratum vidère, vel etjam audivère populi, mirum, quantum ubique in omnium animis sit auctum erga Lindam Marianam studium! Tunc enim, & peregrinationes, longissimè quoque dissitorum, crebrescere; & populi, atque integræ urbes, non modò sacellum verùm & vicinas sacello valles atque lucos, per Processiones, confertissimasque supplicantium pompas, inundare; & rei votorum cum suis anathematis variisque donis, undique locum sacrum, quo vis propè die frequentare. Quæ cum spectare, ac coram fruendo venerari multo sit æquius atque antiquius, non est, quòd eorum scribendo deteramus gratiam.

V

Verùm



Verum hinc Deiparæ juxta ac Ecclesiæ Catholicæ hostes, præteritum verò, qui in contermino stabulantur Ducatu Lutheri Popæ; dum tantam Deiparæ gloriam, vident, vehementer invident; & quod in proverbio est, *Mareæ belluam alunt*. Alunt enim vero belluam, quia ex rebus Ecclesiæ Catholicæ secundis Deiparæ cælitumque honore; quasi venenum de floribus torbendo, invidiâ atque odio contrabescunt, Polypi adinstar (si tamen id Plinius (a) admittat) carnes suas vorant. *Sciendum enim, ut S. Gregorii oratione utamur (b) quia, quamvis per omne vitium, quod perpetratur, humano sordi antiqui hostis virus infunditur, hac tamen invidia nequitia, tota sua viscera serpens concutit, & omnem pestem evomit: unde scriptum est. INVIDIA DIABOLI MORS INTRAVIT IN ORBEM TERRARUM. Nam cum devictum cor, livoris putredo corruperit, ipsa quoque exteriora indicant, quàm graviter animum vesania instigat. Color quippe pallore afficitur, oculi deprimuntur, mens accenditur, & membra frigescent. Fit incogitatione rabies, in dentibus stridor, in conscientia vulnus.* Libertné hinc vel unicum de restaurata Linda Mariana, & DEIPARÆ cultu tabelcentem, ideoque in conscientia vulnus, in dentibus stridorem, rabiem incogitatione alentem, quasi coram spectare? Is verò erit, non rarò alias hinc spectatus Mislenta; qui sub finem Manualis, de Quinto Ecclesiarum in Prussia statu, sive de sectæ Lutheranae, ad ruinam inclinationis differens, non pauciora quàm octo ejus inclinationis promittit indicia; quæ quidem inter, tertio loco m

(a) lib. 9, cap. 29. (b) §. moral. cap. 33. & 39.



morat introductionem hæreseon ( sic enim illi placuit scribere ) antehac ex Ducatu exterminat arum, imprimis- que Papistica, vel Romano-Catholica. Unde verò eam Papisticæ religionis introductionem deducit? Tribus potissimum ex argumentis : quorum prius est, Templum Catholicum, magnis, ut ille ait, impendiis Regiomonti extructum : alterum est, Catholica Religio Augustanæ Confessioni, et jam in Ducatu Prus- sia præposita, ac primas ubique sibi vendicans, liberumque ejus exercitium, cuius, ut ille quoque ait, per omnia, ubi vis locorum concessum: Tertium denique Lindæ Marianæ restauratio. De qua tanquam hujus loci propriâ, lubet nigrum istum cygnum, tanquam funeris sui haud longè secuturi, jam que tandem secuti præcentorem, iterum audire exululantem. *Lora*, inquit ille (a) idololatrica antehac abrogata & absoluta, nunc, pro dolor ! instaurantur, & redintegrantur passim. Sic Tilia illius, ante centum fere annos, sacellum ab illustissimo Duce Alberto dirutum, ac solo equatum, à Pontificis patronis iam instauratum, officina idololatria abominanda evasit; peregrinis è longinquo, ac è propinquo, eò superstitionis causâ confluentibus, & impune quidem, quibus olim præmi loco, patibulum erat designatum. O quâna verè hîc locum invenit juxta Cassianum (b) illud Jeremiæ (c) Ecce ego mittam vobis serpentes regulos, quibus non est incantatio; & mordebunt vos ! Re- spondet, ut ait Cassianus, invidia Basilisco comparatur, quia sicut Basiliscus mordens perit, sic invidens, prius

V 2

quâna

(a) pag. 2, 6. (b) Cellat. 18. cap. 17. (c)

cap. 8.



quàm in hominem, cui invidet, mortis virus effundat, ipse se perdidit.

Verùm nos ad cygneam illam Misentæ vocem oportet reverti, qua cum ille, non antè ad Ceteri generum abiit, quàm & Movio & aliis plurimis, maximè autem Drejero & Drejeraniseum, quasi *intendendo*, concentum est exorsus, qui non facillè ad finem vel (ut cum vulgo Musicorum loquamur) *ad finale* decurrat. Ut tamen alacriùs & constantiùs conatum proderit hisce cantoribus reliqua inclinati ad ruitam Lutheranismi indicia, & eodem præcentore, quàm paucissimis hîc retulisse. Primum ille ait *Missæ* ministratus, animis à Lutherana secta, alieniores. Secundum, *totalem Ordinis ecclesiastici*, ut ille ait, *abrogationem*: Tertium, *Catholicæ religionis introductionem*: Quartum, manifestum Lutheranismi, in iplo quoque Ducatu, contemptum & fastidium: Quintum Theologorum, ut ille ait, verbiq̄ue Ministrorum contemptû; nec modò contemptum, sed, ut ille *sermone* indicio scribit, *qua multifariam accidit, Theologorum ac Ministrorum pressuram, videlicet ex reuocacione & subtractione salarii; ex denegatione honesti concilii; ex occulta & aperta Politicorum persecutione*. Sextimum, rei literariæ & literatorum contemptum. Denique octavum, studium partium ad Catholicam Ecclesiam non leviter inclinantium. Quæ omnia, si vera sunt, uri quidem non longè à vero abesse videntur, habent sanè cantores nostri, unde & Misentæ præcentori gratias agant, & ipsi sese, quàm diutissimè canendo, utcunq̄ue reficiant. Ego interim, dum ista aliaq̄ue id genus canuntur, atque aguntur, qua p̄ est p̄



est pierate, quin & gratulandi studio, Deiparæ Linden-  
densi, solenne illud, cum Ecclesia Catholica, Epini-  
cioningemino; *Gaude MARIA Virgo! cunctas Hæreses  
sola interemisti, in universo mundo.*

## CAPUT XV.

Beneficia divina, quæ apud Lindam Marianam eumulatissimè confe-  
runtur, quanti æstimanda?

Fieri nequaquam potest, ut liberalitas divina, quan-  
tiscunque mortalium obsequiis vel officiis, lupe-  
rari unquam possit. Si enim, ut ex mente Philosophi  
Doctor Angelicus præclarè differit (a) *liberalis homi-  
nis est, super abundare in datione; quanto magis DEI? Esse  
potò in DEO liberalitatem, etiam propriè dictam, &  
quidem maximam, inde Lessius demonstrat (b) quòd  
DEUS propensissimus sit ad erogandum, & quidem copio-  
sè, ac merè gratis. Unde non solum in futuro, verum &  
in præsentè seculo habet locum illud Apostoli (c)  
Momentaneum & leve tribulationis nostræ, supra modum  
in sublimitate, æternum gloria pondus operatur in nobis. Ut  
enim in futura vita Ponderus gloria, ita & in præsentè,  
divina pondus gratiæ, si cum meritis, obsequiis, officiis-  
que nostris ad bilancem veniat, immensum superat;  
præsertim si illud Christi (d) sicut est omnino verif-  
simum, nos quoque verum in nobis re ipsa experia-  
mur; iugum meum suave est, & onus meum leve: creda-  
musque S. Augustino in Psalmum 59. ita differenti:  
Alia sarcina premit & aggravat te; Christi autem sarcina  
sublevat te: alia sarcina pondus habet, Christi sarcina pen-  
nas ha-*

V 3

nas ha-

(a) 2. 2. q. 117. a. 6. (b) de iure & iustit. lib. 2. cap.  
47. dub. 8. (c) 2. Cor. 4. 17. (d) Matth. 11.